

Deus sit homo, sit passus et mortuus etc. Iam vero bonitati, sanctitati et sapientiae Dei non solum non repugnat, sed eam maxime commendat assumptio humanitatis cum omnibus huiusmodi infirmitatibus, ut sit « per omnia fratibus similatus... tentatus per omnia pro similitudine (similiter ac nos ~~zaf~~ ἐποιεῖται) absque peccato » Heb. II. 17; IV. 15: at divinis attributis omnibus prorsus repugnat, ut Deus sibi in hypostasi unitam habeat naturam peccantem, et ita Deus ipse quatenus homo est, peccet.

II. Probationes allatae demonstrant quidem repugniam, Christum proprio suae humanae naturae actu peccare; earumque vis ineluctabilis facile sentitur, dummodo rite intelligatur, quid sibi velit hypostasin esse alicuius naturae, puta Verbum esse hypostasin humanae naturae, eamque habere ut naturam suam, per quam Verbum ipsum est hic homo, et quid sibi velit hypostasin esse subiectum omnium attributionum. Videlicet non solum externa denominatione adscribuntur Verba actiones et proprietates humanae, ut Nestorius sensit; sed vere Verbum ipsum quatenus homo est, agit humana functionibus suae naturae humanae, et actiones sunt vere Verbi, quatenus homo est. Hoc non videtur satis considerasse Vasquez, quando disp. 61. c. 5. impugnandam suscepit duplēcē illam rationem impeccabilitatis, quam a Suarezio egregie declaratam paulo ante proposuimus.

Verum nihilominus est et ab ipso Suarezio disserte adnotatum, ex utraque illa ratione nondum satis apparere, cur in Christi natura assumpta non solum actus, sed quaevis macula peccati repugnet; cur inquam absolute non possit fieri assumptio naturae ita, ut haec esset infecta macula peccati vel originalis vel contracti in connaturali subsistentia, in qua natura ante assumptionem posset praexistisse. Huius ratio est utique illa, quam Vasquez ib. c. 6. putat solam esse validam ad demonstrandam repugnantiam tum actualis tum habitualis peccati; quia videbit naturae rationalis assumptio in hypostasin divinam fieri non potest, quin ea per ipsam sanctitatem substantialem sanctificetur, et fiat obiectum divinæ complacen-

tiae in ordine ad visionem beatificam. De qua sanctificatione abunde sufficiet recoluisse ea, quae demonstravimus superius th. XLI. Vide S. Th. 3. dist. 12. q. 2; Suarez disp. 33. sect. 2; Vasquez disp. 61. c. 2. sqq. Cf. de Lugo disp. 26. sect. 1, qui fere consentit cum Vasquez; Petav. I. XI. cc. 10. 11.

*Corollarium.* Manifestus est error Güntherianus, quando dicitur Christus homo impeccabilis fuisse solum catenarum, quod Deus praeveriderit eum non esse peccaturn; ceterum vero necesse fuisse, ut secundus Adam temptationem subiret, in qua aequa ac primus Adam libertate sui arbitrii abiuti et peccare potuisse. Propaedentia II. p. 255. 441. 442; Aurora Austral. et borealis p. 236. 237.

#### THESIS XLIV.

*De Christi humana libertate, huiusque conciliatione  
cum impeccantia.*

\* Ex fidei catholicae doctrina asserenda est humana Christi libertas ea, que est necessaria conditio meriti; non tamen ad fidem catholicam pertinet, nee constant theologorum consensione determinatus est modus ipsæ, quo Christi libertas in subienda morte aliquæ actibus meritoriorum cum absoluta impeccantia cohaeret et apte componatur. \* Ceterum suppetunt explicaciones probabiles, ex quibus utriusque attributi conciliatio, quantum satis est, intelligatur. \*

I. Supponimus ad rationem meriti requiri libertatem non solum a coactione, ut Wicleffus, Protestantes, Baiani et Ianseniani aiebant, sed etiam a necessitate. *a* Liberi arbitrii nos condidit Deus, inquit s. Hieronymus (cont. Iovin. I. II. n. 3. T. II. p. 326); alioquin ubi necessitas, nec corona est. *b* Vide Propositiones Baii damnatas 39.41. 66. 67. et Iansenii 4<sup>th</sup>. qua dicitur: *a* ad merendum et demerendum in statu naturae lapsae (1) non requiritur in homine liber-

(1) Haec determinatio « pro statu naturae lapsæ » posita est, non quasi minus certo requiretur haec libertas ad rationem meriti in *natura integra*; sed quia damnanda erat propositio Iansenii, qui concedebat ultra libertatem a necessitate pro statu naturæ integræ, et eam solum negabat pro statu naturæ lapsæ. Adeoque in affirmatione liber-

tas a necessitate, sed sufficit libertas a coactione. » Cf. Ripalda de ente supern. T. III. disp. 14.

1° His suppositis omnino constat de humana libertate Christi, sicut constat, nos Christi meritis esse redemptos. Nam ut loquitur auctor homilie VI. in Pascha sub nomine Eusebii Gallicani (Bibl. Max. T. VI. p. 638), « potuit quidem Filius Dei hostem humani generis et in coelis positus nutu ipso divinitatis sua elidere, voluit tamen Deus, ut ab aliquo ex ipso genere humano pro genere humano suae iustitiae satisficeret, et instauratio fieret ex merito condigno; ideo Filius Dei factus est Filius Adam, et ut secundus Adam ordinis reparati pro toto suo genere satisfecit; sicut enim per inobedientiam unius hominis peccatores constituti sunt multi, ita et per unius obedientiem iusti constituentur multi » (Rom. V. 14-19). Qui igitur satisfactione et merito operum suorum genus humanum reparavit, est ipse Filius Dei; satisfecit autem et meritus est functionibus non utique divinae sed humanae suae naturae. Atqui satisfactio pro offensis et meritum supponit libertatem in opere praestito. Ergo sicut certa est nostra redemptio per satisfactionem et meritum Christi Salvatoris, ita certa est eius libertas secundum humanam naturam in omnibus operibus satisfactionis et meriti. Sane sublata humana Christi libertate oeconomia redemptio non pertinaret ad ordinem moralem, sed ad ordinem mere physicum; nec amplius intelligeretur, quomodo cruciatus et mors Christi habuerint coram divina sanctitate et iustitia rationem meriti et satisfactionis, et a divina sapientia fuerint disposita ad nostram redemptionem (I) et insuper ad exemplum, « quia et Christus passus est pro nobis, vobis relinques exemplum, ut sequamini vestigia eius » 1. Pet. II. 21; Phil. II. 5. sqq.

2° Si generatim de humana Christi libertate queritur, iisdem fere ex rationibus demonstratur, quibus PP. usi sunt

tatis a necessitate pro statu naturae lapsae, iuxta verum sensum huius condemnationis continetur velut a *fortiori* affirmatio eiusdem libertatis requisitae ad merendum et demerendum pro statu naturae integræ.

(I) Cf. S. Th. 3. q. 47. a. 3. ad 1.

ad vindicandam integritatem humanæ naturæ in Christo. Etenim tum per se spectata pertinet libertas ad naturam hominis perfectionem, tum spectato fine incarnationis in primis libera voluntas a Verbo assumpta intelligi debet. Libera enim voluntate abutens homo periret, unde et libera redemptoris voluntate reparandus erat iuxta commune illud apud PP. principium: « quod non est assumptum, non est sanatum; » quod quidem si uspiam verum est, certe de libera voluntate maxime valet. Quoniam libera voluntate Adam peccavit, « sequitur hanc primo in nobis esse infecitam... igitur si hanc Verbum incarnatum una cum natura non assumpsit, sequitur me a peccato liberatum non esse, quod enim assumptum non est, non est sanatum, » aiunt eum aliis s. Maximus disp. cum Pyrro T. II. p. 180. et s. Ioan. Damasc. F. O. I. III. c. 14. T. I. p. 228. Speciatim vero de libertate redemptoris merentis, atque ideo de libertate humana in susceptione passionis et mortis, qua opus redemptio consummatum est, constat ex Scripturis Is. LIII. 10-12; Io. X. 18. (cf. XV. 13; XVII. 19); Heb. XII. 2. (cf. Rom. XV. 3); Matth. XXVI. 53, ex quibus Patres colligunt, quod ait Chrysostomus in Heb. hom. 28. n. 2: « licet ei nihil pati, si voluisse... et potestatem habuit, si voluisse, crucem non adire. » Vide PP. apud Suarez disp. 37. sect. 2; Petav. I. IX. c. 8. n. 7. sqq.; Martinez de Ripalda de ente supern. T. III. disp. 17. sect. 2.

II. Non est questio, quomodo libertas sive ad agendum vel non agendum (libertas exerciti vel contradictionis), sive ad hunc vel alium actum (libertas specificationis vel contrarietatis) generatim spectata concilietur cum Christi hominis impeccantia. Facile enim intelligimus omnes, potestatem seu melius impotentiam, ex qua oritur indifferencia (opposita necessitatibus) ad deficiendum et ad peccandum, non pertinere ad perfectionem libertatis in volendo et eligendo bonum, sed ad defectum libertatis exsurgentem ab infirmitate creatae voluntatis, et a servitute peccati. Sine ulla igitur difficultate conciliatur libertas ad electionem boni cum impeccantia seu cum absoluta repugnancia peccati sicut in ipso Deo et in beatis comprehensoribus, ita

etiam in Christo homine; quod scilicet impeccantia non tollit libertatem electionis simpliciter, et quatenus est perfectio, sed solum excludit imperfectionem defectibilitatis, quae est in electione mala. At hic non quaerimus, quomodo universum libertas Christi consistat cum impeccantia; sed quaestio est specialis, quomodo humana Christi libertas in certis quibusdam actibus et nominatum in morte pro salute nostra subeunda consistere potuerit cum ea perfectione libertatis, cuius electio non potest versari inter bonum et malum morale, sed tantum inter bonum unum et aliud: « ut sciat reprobare malum et eligere bonum », Is. VII. 16. Videntur enim illi actus non quidem per se tantum sed ratione divini mandati ita boni, ut eos omittere vel pro iis ponere alios fuisset peccatum. Atqui nulla est Christi libertas ad eligendum peccatum. Ergo nulla videtur fuisse libertas, qua Christus potuisse velle non subire mortem; proindeque tam necessaria actu sua humanae voluntatis videtur eam voluisse et subiisse, quam necessario (necessitate utique opposita libertati indifferente, non libertati a coactione) diligebat Deum, et quam necessario repugnabat, ut Filius Dei peccando a Deo deficeret. Patet ex his, recentiores quosdam theologos (vide Henricum Klee), dum rident veterum haesitationes et ingentes conatus ad rem, ut ipsis videtur, tam facilem explicandam, aut non intellexisse, quae libertas requiratur ut conditio meriti, aut non considerasse, quae sit Christi hominis impeccantia.

Modum ipsum quo concilianda sit et Christi libertas sensu explicato et absoluta impeccantia, utraque certissima, non contineri in revelatione sufficienter propositum ita, ut non possent rationes plures eaeque inter se discrepantes existimari probables, constat vel ex sola diversitate sententiarum gravium theologorum, qui suam singuli defendant ut probabile, quin dammare possint aut velint sententias alias, quamdui in his utrumque dogma impeccantiae et libertatis in subeunda morte, quod conciliandum supponitur, servatur in sua integritate. Vide opinionum censum apud Card. de Lugo disp. 26. sect. 6, ubi fatetur insignis hic theologus, difficultatem istam « merito reputari

unam ex gravissimis theologiae; » apud Franciscum Amicum de Incarn. disp. 25. sect. 3, qui enumerat undecim conciliacionis modos, et in modo postremo adhuc septem « vias diversas. » Cf. Platellum de Incarn. c. 7. n. 317. sqq.

Spectatis iis, quae ex Scriptura et Patribus colliguntur de perfectione et impeccantia voluntatis humanae Christi, de mandato subeundae mortis, de libertate qua mandatum amplexus est, duplex tantum explicatio videtur probabilis, quam subiiciimus.

*Primus modus conciliationis Scripturis et Patrum disser-tae doctrinae consonus, planior ac facilior ita habet. Quando ex una parte Christus ait, mandatum se accepisse a Patre ad subeundam mortem crucis, et voluntatem Patris esse eam, quae dederit sibi calicem passionis; ex altera vero parte dicitur Christus homo posuisse animam suam a semetipso, et ad voluntatem Patris exsequendam se ipsum tradidisse factus obediens usque ad mortem: illud mandatum, illa voluntas Patris, quatenus antecedit liberam Christi electio-nem et acceptationem ad ponendam animam suam, intelligi debet divinum beneplacitum humanae voluntati redemptoris propositum ita, ut etiam alius redemptionis modus Patri fore acceptus. Quemcumque vero modum Christus ele-gisset, semper redumptionem suscepisset secundum bene-placitum Patris atque ideo ex obedientia; neque enim ad obedientiam requiritur praeceptum obligans sub peccato. Consequenter deinde ad praevisam Christi liberam electio-nem transit divina voluntas antecedens conditionata in voluntatem consequentem absolutam, ut Christus *hoc modo* a se ex ardentissima charitate erga Deum Patrem et erga nos homines electo genus humanum redimeret.*

*1<sup>a</sup>. Supposita perfectione humanae voluntatis Christi, de qua dictum est, mandatum non aliter videtur posse in-telligi quam per modum declaratum beneplaciti; vel certe est hic modus illi perfectione maxime consentaneus, si Deus voluit, ut obedientia meritoria ac proinde libera Christus nos redimeret. In praecepto enim sub obligatione peccati obedientia habet connexionem necessariam cum dilectione Dei ita, ut voluntas determinata ad dilectionem Dei eo ipso*

determinata sit ad observiam praecepti. Ideo huiusmodi praeceptum pro voluntate Christi, cui repugnabat non amare Deum, fuisset obiectum, in quod ferretur necessitate insita, sicut necessitate insita ferebatur charitate in Deum. At vero ita res praecepta obiectum fuisset *naturalis* et non *liberæ voluntatis* Christi, si iuxta Patres dividamus voluntatem in *naturalem* et *liberam* pro diversitate, qua circa suum obiectum vel non necessarium versatur; sicut in nobis voluntas *naturalis* est circa bonum in communī, *libera* circa bonum particulae (cf. Petav. l. IX. c. 8). Unde (quod mirum quidem videbitur et παράδοξον, verum tamen est) ii theologi, qui praeceptum rigorosum, ut aiunt, et antecedens Christo impositum defendunt, quia verba Scripturae, ubi *mandatum* appellatur, id exigere falso sibi persuaserunt, re ipsa propriam rationem legis et praecepti potius tollunt. Lex enim moralis proprie dicta seu mandatum est ad directionem liberae voluntatis, non autem respicit voluntatem determinatam ad unum, sicut nemo dicit Beatis in coelo esse impositam legem proprie dictam dilectionis Dei. Atqui eo ipso, quod e. g. mors subienda proponeretur Christo tamquam nexa necessaria cum amore Dei, iam voluntas Christi ad eam volendam esset necessario determinata; ergo illud mandatum non esset mandatum in sensu proprio, nec haberet propriam rationem legis. Haberet enim, ut ostensum est, rationem obiecti necessarii pro voluntate *naturali* in sensu, quo haec distinguitur a voluntate *libera*; non autem haberet rationem normae et directionis pro voluntate *libera*, quae tamen ratio normae et directionis est proprietas legis ac mandati moralis proprie dicti.

2<sup>a</sup>. Sententia quam proponimus, ex eo potissimum et fere unice impugnatur, quod non custodiatur proprietas verborum Scripturae, in qua Christus dicitur *mandatum* accepisse. At vero praeterquam quod mandatum rigorosum (ut appellant) pro voluntate humana Christi iuxta dicta desineret esse mandatum seu lex proprio sensu morali, falsum est, hoc nomine sive per se sive in usu biblico semper designari praeceptum strictum et impositum independenter a libera electione voluntatis, cui imponitur.

a) Sane Patres bene multi non solum non intelligunt *mandatum* obligans sub peccato in illis Scripturæ locis, sed immo docent, personam Christi esse eius perfectionis, ut huiusmodi *mandatum* strictum ei imponi non potuerit; idque docent in illis ipsis locis interpretandis, in quibus adversarii contendunt intelligi debere *mandatum* antecedens et stricto sensu. Chrysostomus in Io. hom. 76. al. 75. n. 2. verba Christi, « Patris mei *praecepta* servavi, » commentatur ita. « Iterum humano more procedit oratio; neque enim legislator *praeceptis* subiiciendus erat. » Pariter Theophylactus secutus (ut solet) Chrysostomum in Io. XV. 10. T. I. p. 712: « non enim omnium legislator *praeceptis* erat obnoxius, aut non poterat *sine paternis praeceptis* vitam suam dirigere; hoc namque cogitare esset absurdissimum. » S. Cyrilus in Io. l. X. T. IV. p. 882. declarat, non alio modo esse intelligendum *praeceptum* pro Christo secundum suam humanam naturam spectato, quam consilium paternum, quod Filius cognoscit et exsequitur; non posse vero *praeceptum* intelligi sensu stricto, quia Filius Deus est. « Quamvis Deus verus esset, humiliavit tamen semetipsum factus obediens usque ad mortem. Nam cum Deus ac Pater genus hominum salvare statuisset.... ipse (Filius) dispensationem illam subiit, quippe cum Dei Patris voluntatem Deus unigenitus cognosceret. Sic autem in subiectionem voluntariam ultro descendit, ut etiam ad mortem usque ignominiosissimam se dimitteret... Habes igitur in subiectione voluntariam voluntatum Patris adimpletionem, quas loco mandatorum Filius apud se esse ait. Nam cum Patris consilia ut Verbum intelligat, eiusque profunda scrutetur, immo cum sit sapientia et virtus Patris, beneplacitum eius ad opus perducit, *mandati* loco illud habens et ita accommodatione humana illud nuncupans ἡ οὐ δέξαι τὸ δόξαν, οὐ τοτὸν ἔντολης καὶ ὄνομαζων οὐ τοις ἀνθρωπινοτεροιν.

Adversus Arianos qui ex hisce mandatis a Patre acceptis impugnabant Filii aequalitatem cum Patre, ss. doctores simpliciter declarant, mandata haec esse consilia aeterna, quae Pater communicat Filio non praecipiendo sed generando; qua in explicatione evidens est, *mandatum* a

PP. fuisse intellectum non illud stricto sensu, ut intelligendum necessario esse contendunt adversarii. Ita interpretatur locum Io. X. 18. Augustinus in Io. tract. 47.n. 13; et Basilus eodem modo explicat textus Io. XII. 49, 50; XIV. 24. 31. l. de Spiritu Sancto c. 8. n. 19. 20. « Iuxta sensum Deo dignum, inquit Basilius, *praeceptum* intelligamus voluntatis traditionem instar formae cuiuspiam in speculo reluentis a Patre in Filium aeternaliter dimanantem. » Ceterum apud PP. vetustiores frequens est, ut hoc sensu Pater dicatur *mandare* rerum productionem, *Filius exequi mandata* non serviliter sed filialiter (*εὑρετικός οὐλακός ἀλλα γένος*). Qui ergo theologi simpliciter urgent significationem nominis *mandatum* et *praeceptum*, immerito id faciunt.

b) Distinctius PP. declarant, nomine *praecepti* et *mandati*, ut refertur ad Christum secundum naturam assumptam, more loquendi humano designari beneficium Patris, quo ratam habet Christi Dei-hominis voluntatem subeundi mortem pro nostra salute. Sentiant igitur PP. antecedenter ad acceptationem Christi modos diversos redemptoris fuisse propositos eius liberae optioni; consequenter vero ad Christi acceptationem et determinationem praevisam, hunc modum a Filio sua voluntate humana libere electum haberi ratum et acceptum, hocque divinum beneficium appellari *praeceptum* et *mandatum*. Ita docet s. Cyrillus ubi declarat, quomodo Pilato data fuerit potestas desuper. « Non quasi Deus Pater passionem imposuerit Filio citra eius voluntatem (*ἐθεωλητόν*); sed cum Filius unigenitus se ipsum tradidit ad patiendum pro nobis, Pater ratum habuit, ut in eo impleretur mysterium; traditio ergo in his manifesto intelligitur et dicitur *Patri placitum et consensus atque ipsam Fili voluntas* » (1) in Io. T. IV. p. 1051. Ita et Chrysostomus. « Cum dicit, se *praeceptum* accepisse a Patre, nihil aliud declarat, quam Patri placere quod ipse fecit, ne occisum postea ipsum putarent a Patre derelictum et traditum... Si *praeceptio* opus habuisset, cur dixisset: a

(1) Δοσίς μὲν οὖν ἡδεις εἰς τούτους ἡ πάρα πειρός συμβινοῖς τοι καὶ συγχωρητοῖς καὶ αὐτῇ δὲ ἡ θελήση τους οὐνοῦσται τοι καὶ λεγεται.

*me ipso pono (animam); nam qui a se ipso penit, non egit praecepto* » in Io. hom. 60. al. 59. n. 2. 3.

Contra hanc Patrum doctrinam nullius valoris est difficultas ex eo petita, quod ita totum negotium redemptoris non ad divinam sed ad humanam Christi voluntatem potissimum reduci videatur. Nam misericors consilium redemptionis, ex quo ipsam facta est Filii incarnationis, modulus pariter redemptionis generatim per plenam et integrum satisfactionem praestandam a secundo Adamo homine Christo Iesu est a voluntate Dei antecedente praevisionem volitionum humanarum Christi; exsecutio tamen secundum omnia particularia atque adeo modus redemptionis hic singularis ac in individuo non est decretus sive praevisione liberarum volitionum redemptoris et liberorum actuum secundum humanam naturam; immo neque citra praevisionem liberorum actuum hominum, qui velut adiuncta particularia concurrebant ad hunc modum singularem constitutum (vide Lessum de Praedestinat. sect. II. n. 19. 20). At liberae illae volitiones et actiones humanae Christi (de his enim unice nunc agimus) erant ipsae salva libertate sub directione et moderatione infallibili divinitatis (supra p. 437). « Tradidit eum Pater in mortem eum incarnari et pati statuendo, et *humanae eius voluntati inspirando charitatis affectum, qua passionem spontaneus* (i. e. libere iuxta modum loquendi veterum) subiret, unde ipse se ipsum tradidisse dicitur » S. Th. in Rom. VIII. lect. 6. cf. 3. q. 47. a. 3. Non igitur vel primo vel potissimum ad humanam voluntatem revolvitur consilium redemptionis; humana tamen eaque liberâ voluntate Verbum incarnatum meruit et perfecit redemtionem.

Totum quod haec tenus diximus, quam concisis tam claris verbis comprehensum habes apud s. Anselmum meditat. XI. de Redempt. p. 222. ed. Gerberon. « Nec humana natura in isto homine passa est aliquid ulla necessitate sed sola libera voluntate.... nec ulla cogente obedientia sed potenti disponente sapientia. Non enim illi homini Pater ut moreretur, cogendo *praecepit*; sed ille quod Patri placitum et hominibus profuturum intellexit, hoc sponte fecit. Non

enim ad hoc eum cogere potuit Pater, quod ab eo exigere non debuit; nec Patri tantus honor potuit non placere, quem Filius tam bona voluntate sponte obtulit. Sic itaque Patri liberam obedientiam exhibuit, cum hoc quod Patri placitum scivit, sponte facere voluit. Denique quoniam Pater illi hanc bonam voluntatem dedit quamvis liberam, non immerito dicitur, quia eam ille velut praeceptum Patris accepit <sup>(1)</sup>.

3<sup>o</sup>. Ex Scripturis adversus hanc explicationem nullum validum argumentum deponi posse, iam haec tenus dicta persuadent, cum omnia quae adhucimus testimonia Patrum, non sint aliud, quam interpretatio locorum Scripturae, in quibus de mandato subiunctae passionis et mortis sermo est. Si usus loquendi in Scripturis per se consideretur, imprimis nomen *mandati* et *praecepti* non semper sumi stricto sensu, certo constat. Confer e. g. 2. Reg. XVI. 10, 11; Ps. LXVII. 29; Mare. VII. 36; Matth. XIX. 7. 8. coll. Mr. X. 3. 5. Loco hoc ultimo apud Matthaeum Iudei dicunt: « Moyses mandavit *(ἐντελέχτω)* scribere libellum repudi; » Christus vero ait: « Moyses permisit vobis *(ἐπετρεψεν ὑμῖν)*. Ordine inverso apud Mareum Iudei dicunt: « Moyses permisit *(ἐπετρεψεις)* libellum repudii scribere; » Christus vero appellat praeceptum: « quid vobis praecepit *(ἐντελέχτω)* Moyses... ob duritiam cordis vestri scripsit vobis praeceptum istud *(την ἐντολὴν ταῦτην)*.

Porro quemadmodum Patres, ut vidimus, *mandatum* Christo factum non solum ad Verbum incarnatum referunt secundum humanam naturam, sed etiam ad eundem Deum Verbum secundum naturam divinam; ita duplex eadem relatio *mandati* observari potest in Scriptura eo ipso loco, quem adversarii maxime urgunt Io. X. 18: « potestatem habeo ponendi eam (*animam meam*), et potestatem habeo iterum sumendi eam; *hoc mandatum* accepi a Patre. » *Mandatum* refertur ad unum et eundem Filium, sed illud duplex est; unum ad Filium refertur exsequendum function-

(1) Ingenua est responsio Bartholomaei Medina in defensione praecepti absoluti et antecedentis 3. q. 47. a. 2: « ad Divum Anselmum respondet, quod fuit contrariae sententiae; neque enim eius dicta ullo modo glossari possunt. »

nibus humanae naturae: ut ponam animam meam; alterum exsequendum functionibus divinae naturae: ut iterum sumam eam. Lieet igitur utrumque sit exsequendum circa humanam naturam et in humana natura *velut in subiecto*, non tamen utrumque per humanam naturam tamquam *per principium operans*. Nihilominus utrumque uno vocabulo exprimitur: *hoc mandatum* accepi. Atqui *mandatum* factum personae Filii et exsequendum potentia divinae naturae non potest intelligi sensu stricto; ergo saltem non potest demonstrari esse sumendum stricto sensu, quatenus refertur ad Filium secundum humanam naturam. Immo magis convenit proprietati sermonis, si utrumque eandem retinet significationem *divini consilii* exsequendi partim per divinam partim per humanam naturam. Insuper ex claris verbis Scripturae videtur modus redemptoris per mortem non absoluto mandato impositus, sed propositus electioni Christi hominis, si ipsi eum amplecti voluerit. « Si posuerit pro peccato animam suam, videbit semen longaeum » Is. LIII. 10; « proposito sibi gaudio sustinuit crucem » ἀντὶ τῆς προκειμένης αὐτῷ χρυσανθεμίας σταυρού Heb. XII. 2. Denique diserte declarat Christus, calicem passionis ita sibi esse oblatum a Patre, ut potuisset deprecari et a se amovere passionem Matth. XXVI. 53. coll. Io. XVIII. 11.

Spectatus igitur hisce omnibus, perfectio libertatis humanae Christi, Scripturarum interpretatione et compositione liberae obedientiae cum absoluta perfectione Christi Filii Dei, ut a Patribus exhibetur, testimonis denique Scripturae in se ipsis consideratis, saltem probabilissima est sententia theologorum, qui censem nullam humanae voluntati Christi antecedens et absolutum praeceptum ad subiunctam mortem fuisse impositum. Tum vero redemptio hoc singulari modo perficienda per mortem crucis, et redemptio per alium modum quem Christus ipse eligere voluisse, maneat antecedenter ad Christi acceptationem inter obiecta moraliter bona, inter quae voluntati quantumvis impeccabili non solum humanae sed ipsi etiam divinae libera est electio.

Theologi qui hanc doctrinam sequuntur, sunt plurimi:  
FRANZELIN, de Verbo Incarnato.

Paludanus in 3. dist. 12. q. 2. a. 3; Dionys. Cisterciensis in 3. q. 3. a. 2; Lorca eiusdem s. Ordinis de Incarnat. disp. 73; Victoria in Ms. teste Barthol. Medina 3. q. 47. a. 2; Salmeron T. X. tract. 2; Ribera in Io. X. 18; Velasquez in Phil. II. 8; Petavius de Incarn. l. IX. c. 8. n. 6. sqq.; Card. Pallavicinus in Cursu theol. de Incarn. c. 8; Haunoldus Theol. specul. l. IV. c. 6; Platellus Incarn. c. 7. n. 330. (appellans « solutionem valde facilem et probabilem »); Esparza de Incarn. q. 32; Maurus, Viva, Holzklaus (inter theolog. Wirceburgenses) aliique recentiores, inter quos fusiis de hoc arguento disputavit Nicolaus Rayé in dissertatione inserta Thesauro Zacharias. T. IX. p. 639. sqq. Quod ergo de Lugo hanc sententiam appellavit « singularem » disp. 26. sect. 8. (1), si forte dici potuit eius actate, certe non pertinet ad theologos subsequentes, ut bene animadvertis P. Antonius Mayr, qui tamen ipse aliam sequitur conciliationem viam (in Cursu theol. tract. IX. p. 504 Ingolstadii 1732).

Alter modus conciliationis probabilis a multis theologis adoptatus potest videri optime declaratus apud Ysambertum in 3. q. 18. disp. 2. a. 6. (T. I. in 3. P. p.444.) Summa haec est.

a) Admissio praeceptum absoluto et antecedente secundum determinationem *genericanam*, quo Christo homini imponebatur munus redemptionis per sacrificium sui ipsius et per mortem suam, non tamen potest supponi praeceptum determinans actus omnes in specie, h. e. secundum omnia motiva ex quibus eliciendi essent, et secundum omnes gradus intentionis; minus adhuc potest supponi praeceptum determinans actus omnes in *individuo*, h. e. determinans tum ultimam speciem actuum internorum tum omnia adiuncta

(1) De Lugo eo revocare conabatur conciliationem libertatis in morte subienda cum impeccantia, quod mors quidem ipsa non tamen tempus mortis et adiuncta caderent sub praeceptum, et quod ab ipso mandato mortis potuisse Christus impetrare dispensationem. Hanc magistri sui opinionem Sfortia Pallavicinus adhuc discipulus in hisce scholis Collegii Romani impugnare solebat, ut ipsem narravit litteris datis ad P. Hannoldum (Hannold, l. e. n. 289).

externa temporis, loci, personarum, modi etc. Talis enim ratio praeceptorum divinorum neque quoad alios homines obtinere solet, nec satis congruit ordini divinae providentiae.

b) Omnis actus qui elicetur, est actus determinatus in sua ultima specie et in individuo, nec potest elici actus solum secundum rationem *genericanam*; quidquid enim existit, ut singulare existit et determinatum. Hinc libertas vel necessitas in volendo et agendo non respicit genus sed specificam et individuum rationem actuum, ita ut voluntas sit necessaria vel libera prout determinata est vel non determinata ad specificum et individuum actum. Licit ergo actus spectati generice non essent in libera potestate agentis; si tamen in eius libera potestate est hic et nunc talis *actus specificus et individuus*, ut possit illum elicere vel non elicere vel elicere actum aliud, libere omnino eligit inter actus sibi possiles. Neque vero talis libertas, ut aliqui obiciunt, versatur solum circa adiuncta; sed immo est et manet libera ipsa substantia actus, quia hic et nunc ipse actus potest eligi vel non eligi vel etiam eligi actus aliis. Sie quanvis mors indeterminate et in genere non sit in libera potestate hominis, martyres tamen libere elegerunt non solum mortis adiuncta sed ipsam mortem in testimonium fidei; nec solum meriti sunt per adiuncta sed per ipsam mortem voluntariam ac eis liberam.

c) Quapropter licet redemptio et etiam redemptio per mortem crucis fuisse pracepta Christo absque ulteriori tamen determinatione actuum in specie infinita et in individuo, actus singuli qui semper determinati in individuo eliciebantur, manebant omnino liberi, siquidem voluntas pro uno actu semper potuisset elicere aliud.

Ita declarata haec sententia non admodum differt ab altera paulo ante pluribus explicata. Quod enim hic dicitur, redemptionem per mortem crucis sed solum in specie indeterminata fuisse praceptam; mortem vero in individuo determinatam omnibus adiunctis internis et externis fuisse absque pracepto antecedente relictam liberas electioni voluntatis humanae Christi redemptoris; hoc ipsum fere dicitur in sententia priori, nisi quod ibi obiectum

praecepti sumitur magis generice seu in specie superiori. Dicitur enim, redemptionem humani generis per meritum et satisfactionem infiniti valoris fuisse a voluntate divina impositam voluntati humanae absoluto praecepto antecedente; sed modum redemptiois, sive hunc per mortem crucis sive alium non fuisse determinatum, atque ita relatum electioni voluntatis humanae; consequenter vero ad praeviam electionem huius modi in individuo, hunc modum fuisse ratum habitum a voluntate divina, hocque ipso praeceptum magis genericum voluntatis antecedentis transiisse in beneficium sive mandatum magis determinatum voluntatis consequentis. Videtur profecto haec ratio considerandi et loquendi primo loco proposita lucidior et simplicior; certe magis consona est doctrinae ac methodo ss. Patrum, si sermo sit de praeceptis positivis, quae nempe reddunt materiam in qua versantur, necessariam ad amorem Dei, *quia est praecepta*, vel contrariam amori Dei, *quia est vetia*.

Si vero agitur de lege *naturali*, h. e. quae rem praecepit, *quia careres est per se necessaria ad amorem Dei*, vel prohibet *quia res est per se contraria amori Dei*, distingui debet lex *naturalis affirmativa* h. e. praecipiens intrinsecus bona, et lex *naturalis negativa* h. e. prohibens intrinsecus mala. In observatione legis *naturalis affirmativa* asserenda est Christi libertas humana; conciliatio vero cum impeccantia melius conformabitur ad modum considerandi et loquendi secundo loco propositum, quia obiectum legis *naturalis* solet esse magis *in specie* et non solum generice determinatum.

Longe diverso modo autem sentiendum est de observatione legis *naturalis negativae*. Quod hanc legem prohibenter, quae intrinsecus mala sunt et per se contraria amori Dei, perfectio Christi hominis eo ipso quod postulat impeccantium, postulat etiam exclusionem libertatis ad non servandam legem, h. e. ad committendum quod intrinsecus malum est, quia talis libertas nihil esset aliud quam libertas ad peccandum (cf. p. 441). Quod autem Christus observatione huius legis non meruerit, non solum non est imperfectio, sed immo pertinet ad perfectionem Christi; quis

enim audeat ad Christi merita numerare, quod intrinsecus mala non admiserit?

Ceterum ut iam monui, qui propositum *secundum modum conciliationis* vel generativum vel speciatum quoad praeceptum passionis et mortis impugnant ex eo, quod non ipsa substantia actus et nominativum passionis et mortis, sed solum eius adiuncta in hac hypothesi viderentur fuisse libera Christo homini ac proinde meritoria, ii sine dubio falluntur. Nam passio et mors debent considerari non materialiter, sed ut connexae sunt cum internis actibus voluntatis. Ex actibus internis et externis componitur in genere morum unus actus, cuius libertas immediate est in actu interno, et ex eo derivatur in actu externum. Unde et meritum immediate est in actibus internis, qui cum externis coniunguntur; non est meritum formaliter in doloribus et morte spectatis, ut sunt res aliqua, sed est in libero actu voluntatis acceptante dolores et mortem ac proinde passio et mors *libere acceptata* est meritoria (1). Iam vero acceptatio utpote actus in ultima specie et in individuo determinatus, quia non potest fieri actus *in genere*, ex dictis erat libera, et proinde liberum erat totum opus, quod est passio et mors acceptata. Hoc ad rationem meriti sufficeret, etiamsi passio et mors materialiter spectata vitari non potuisset, ut exemplo martyrum ostendi potest immo et hominum piorum, qui dolores et mortem inevitabiles tolerant et acceptant cum magno merito. At Christus praeterea in singulis adiunctis, in quibus passionem et mortem admisit, eam etiam materialiter spectata mandat libere, quia eam vitare potuisset absque violatione mandati, quod ex hac sententia generale, non autem ad mortem in his determinatis adiunctis subeundam in individuo obligans supponitur.

*Corollarium 1.* Sicut est in beatis comprehensoribus, ita a fortiori in Christo, qui iam in vita mortali compre-

(1) • Dicendum quod passio, in quantum huiusmodi, non est meritoria, quia habet principium ab exteriori; sed secundum quod eam aliquis voluntarie sustinet, sic habet principium ab interiori; et hoc modo est meritoria • S. Th. 3. q. 48. a. 1. ad 1.

hensor erat per excellentiam, erat amor beatificus necessarius beatissima necessitate et interna determinatione; non tamen ideo omnes actus, quos ex motivo illius amoris exercuit Christus, aut adhuc Christus et Beati exercent, sunt necessarii, quando versantur circa obiecta non necessario nexa cum amore Dei. Visio igitur beatifica et inde necessario consequens amor fruitionis non impedit libertatem huiusmodi actuum. Quod ergo Christus nunc non amplius meretur, non sane est ex defectu libertatis; sed quod iam non est, ut olim in vita mortali, viator simul et comprehensor sed solum comprehensor, et *in meriti plenitudine: a consummatus factus est omnibus obtemperantibus sibi causa salutis aeternae... et una oblatione consummavit in sempiternum (sic το θυντες) sacrificatos* » Heb. V. 9; X. 14.

*Corollarium 2.* Praedefinitio, praescientia et praeunntatio divina actum liberorum Christi non admodum maiorem offert difficultatem conciliationi cum libertate, quam quae occurrit in praedefinitione et praescientia actuum nostrorum praesertim supernatural concilianda cum nostra libertate. Praescientia scilicet visionis et praedictio supponit actus ipsos liberos tamquam summa obiectum, non vero est illorum causa determinans. Praedefinitio pariter actum liberorum non est absolute antecedens et independens a praevisione, quid libera voluntas sub quavis conditione sit electura; sed ea constat ex praeparatione auxiliariorum et adiunctorum, sub quibus praevidetur creata voluntas infallibiliter sed libere actum elicitura, et ex consequente ad hanc praevisionem divina voluntate absoluta huius determinati actus. Quia igitur praescientia, praedictio et praedefinitio supponit actum liberum, non potest quidem illa infallibilis praescientia et praedefinitio simul consistere cum omissione actus praesciti et praedefiniti, hoc enim idem foret ac si actus simul supponeretur esse et tamen non esset; sed haec est *necessitas consequens*, quae nihil obest libertati. Nam potest voluntas non agere vel aliud agere, quod si reipsa faceret, etiam praescientia et praedefinitio iam alia fuisset. In *sensu composito* igitur i. e. stante hac Dei praescientia ac praedefinitione, quae actum iam suppo-

nit, non potest fieri, ut voluntas aliud agat, hoc est non potest voluntas simul agere et non agere; quae ipsa est necessitas *consequens* (1). At huius actus determinati *divisio* a Dei praescientia et praedefinitione est in voluntatis libera potestate, quia si non hunc sed alium actum eligeret, ut potest libertate *antecedente*, iam hic actus non fuisset praescitus et praedefinitus. Sed de his consule Tractatum de Deo th. XLIII.

Pari ratione non impeditur libertas ex eo, quod Christus etiam secundum humanam naturam scientia tum beatae visionis tum infusa omnes suos actus adhuc futuros praeveriderit. Haec enim praevision, sicut ipsa divina praescientia, actus libere elicitos ordine logico et in veritate obiectiva, quae a libera voluntate pendet, ut snum antecedens obiectum supponit. Ergo et inde sequitur libertas *antecedens* et necessitas solum *consequens*, quod scilicet dum agit, non potest simul non agere. Cf. Lessium de praedestin. Christi sect. 3. n. 38; Vasquez disp. 74. c. 6; Ysambertum in 3. q. 18. disp. 2. a. 6. et 7.

(1) « Quia impossibile est Dei praescientiam falli et eius voluntatem seu dispositionem cassari, supposita praescientia et praeordinatione Dei de passione Christi, non erat simul (in sensu composito) possibile Christum non pati, vel hominem alio modo quam per eius passionem liberari; et est eadem ratio de omnibus his, quae sunt praescita et praeordinata a Deo » S. Th. 3. q. 46. a. 2.